

宦籍

吳諸葛瑾字子瑜其先瑯琊陽都人漢末避亂江東孫權用爲長史轉中司馬權遣瑾使漢通好與其弟亮俱公會退無私面與權談說諫喻未嘗切愕微見風采粗陳指歸徐復託事造端以物類相求於是權意往往而釋從襲關羽封宣城侯代呂蒙領南郡太守漢昭烈東伐吳吳主求和時或言瑾別遣親人與昭烈相聞權曰孤與子瑜有死生不易之誓子瑜之不負孤猶狐之不負子瑜也後遷

左將軍督公安假節封宛陵侯瑾爲人有容貌思度於時服其弘雅權亦重之卒遺命素棺以時服斂子恪才俊有盛名

晉諸葛恢字道明祖誕瑯琊陽都人魏司空以起義被殺父靚奔吳爲大司馬恢弱冠知名值天下大亂避地江左名亞王導庾亮於時潁川荀闓陳留蔡謨並字道明與恢俱有名譽人爲之曰京都三明各有名蔡氏儒雅荀葛清元帝承制調爲會稽太守臨行帝爲置酒謂曰今之會稽昔之關中足食足兵在於良守以君有蒞任之方是以相屈四

方分崩當匡振地運政之所先君爲言之恢對曰
今天下喪亂風俗陵遲宜尊五美屏四惡進忠實
退浮華帝深納焉太興初以政績第一詔增秩中
二千石後拜中書令明帝時爲侍中加奉車都尉
討王含有功進封建安伯

王嶠字開山太原晉陽人司徒渾之族永嘉末携二
弟避亂渡江時元帝鎮建鄴教曰王祐三息始至
名德之胄並有操行宜蒙飭叙遷太子中舍人以
疾不拜王敦請爲叅軍爵九原縣公敦在石頭欲
禁私伐蔡州荻嶠曰中原有菽庶人採之百姓不

上元縣志

卷十七

宦籍

二

足君孰與足若禁人樵伐未知其可敦不悅敦將
殺周顛戴淵嶠於坐諫曰濟濟多士文王以寧安
可戮諸名士以自全生敦大怒欲斬嶠賴謝鯤以
免出爲領軍長史敦平後除中書侍郎遷廬陵太
守卒

衛玠字叔寶河東人總角乘羊車入市見者皆以爲
玉人謝鯤雅重玠相見欣然言論彌日玠常以人
有不及可以情恕非義相干可以理遣故終身不
見喜愠之色因天下大亂遂扶老母將家南行至
豫章以王敦非純臣不可久留來向建業京師人

士聞其姿容觀者如堵卒年二十七

郭文字文學河內軹人少愛山水尚嘉遯嘗遊名山入吳興餘杭大辟山中居焉時猛虎爲暴文獨宿十餘年竟無患曾爲猛獸去骨鯁王導爲相使迎至京師於西園築臺置之朝士咸共往觀文頽然箕踞旁若無人温嶠嘗問之曰先生安獨無情乎文曰情由憶生不憶則無情居冶城七年一旦忽求還山導不聽乃逃歸臨安及蘇峻之亂而臨安獨全人以爲先見

南北朝柳世隆字彥緒河東解人元景弟子也好讀

上元縣志

卷十七

宦籍

三

書涉獵文史元景異之言於宋孝武得召見帝謂元景曰此兒將來復是三公一人累官尚書左僕射世隆少立功名晚善彈琴世稱柳公雙鎖爲士品第一兼曉術數於倪塘創墓與賓客踐履每往常坐一處及塋正其坐處

傅昭字茂遠其先靈州人六歲而孤哀毀如成人宗黨異之太原王延秀薦昭於丹陽尹袁粲深爲所禮辟爲郡主簿使諸子從昭每經昭戶輒嘆曰經其戶寂若無人披其帷其人斯在豈得非名賢齊明帝踐祚引昭爲中書通事舍人時居此職皆勢

傾天下昭獨無所干預器服率陋身安麓糲常挿燭於版床明帝聞之賜漆合燭盤等勅曰卿有古人之風故賜公古人之器出爲臨海太守縣令嘗餉粟置絹於簿下昭笑而還之昭爲政不尚嚴肅居朝廷無所請謁不畜門生不交私利終日端居以書記爲樂雖老不衰博極古今尤善人物魏晉以來官宦簿伐姻通內外舉而論之無所遺失居身行已不負閭室後進宗其學重其道人人自以爲不逮終於建康

論曰瑾與兄亮各事其主義無私交恢弱冠知名

上元縣志

卷十七

宦籍

四

以功封建安伯王嶠名德之胄衛玠知王敦非純臣扶老母趨建業郭文居冶城七年逃歸臨安二子知難哉柳世隆累官尚書僕射晚善彈琴傅昭居朝廷無所請謁終日端居以書記爲樂蓋清修矯矯云

晉謝鯤字幼輿陳國人少知名通簡有高識不修威儀好老易能歌善鼓琴渡江居建業明帝嘗謂鯤曰論者以尹方庾亮自謂何如對曰端委廟堂使百僚準則臣不如亮一邱一壑自謂過之

南北朝袁淑字陽源陽夏人少有風度伯父湛謂人

曰此兒非凡元嘉中累遷尚書吏部郎太子左衛
率元凶邵劭將爲逆其夜淑在直呼淑及蕭斌等
告以明旦將行大事望相與戮力淑斌並自古
無此願加善思劭怒斌懼曰謹奉令淑叱之曰卿
便謂殿下真有是邪殿下幼時嘗患風或是疾動
耳劭愈怒因問曰事當克否淑曰居不疑之地何
患不克但旣克之後爲天地所不容大禍亦旋至
耳淑出還省繞床至四更乃寢劭將出已與蕭斌
同載呼淑甚急淑眠不起劭停車奉化門催之相
續徐起至車後劭使登車辭不上劭殺之武帝卽

位贈侍以吉新永新與湖南聯境命元清爲永新
制置使每數月一託疾不坐衙輒微服入湖南境
人無知者敵人動息常預知之治境累年邊障寧
晏國亡以故官起發赴京師元清誓不仕二國因
僞稱失明召驗之揮刀將及頸目不爲瞬乃放歸
濠州卒

袁粲顗從弟初名愍孫幼慕荀奉倩爲人改名粲字
景倩明帝時累官尚書僕射領吏部加中書令又
領丹陽尹粲負才尚氣愛好虛遠家居負郭每策
杖逍遙悠然忘返明帝崩與褚彥回劉劭並受顧

命齊高帝方革命粲不欲事二姓謀矯太后令率宿衛兵攻之於朝堂高帝遣戴僧靜向石頭粲衆奔散粲還坐列燭自照謂其子最曰本知一木不能止大廈之崩但以名義至此耳僧靜挺身暗往奮刀直前欲斬之子最覺有異抱父乞先死兵士莫不隕涕粲曰我不失忠臣汝不失孝子僧靜乃並斬之顓子昂齊永明中爲吳興太守梁武帝起兵州郡望風皆降昂獨拒境帝手書喻之建康城平昂舉哀慟哭帝使豫州刺史李元履巡撫東土敕元履曰袁昂道素之門世有忠節天下須共容之勿以兵威凌辱元履至宣旨昂亦不請降開門徹蔽而已及至帝亦不問後爲尚書令

南唐韓熙載字叔言北海人早負才名徐知誥受禪召爲秘書郎後主嗣位命權知制誥書命典雅有元和之風與徐鉉齊名時號韓徐每宿直宮中賜對多所弘益後主手教褒之卒年六十九謚文靖

墓梅岡謝安墓側

徐鉉字鼎臣先廣陵人十歲能屬文仕南唐爲翰林學士御史大夫吏部尚書居攝山棲霞寺西宋師圍金陵煜遣鉉朝京師求緩兵太祖以禮遣之後

隨煜至京師太祖責之鉉對曰臣仕江南國亡不能死臣之罪也不當問其他太祖嘆曰忠臣也以爲太子率更令太平興國初直學士院從征太原加給事中出爲左散騎常侍坐事貶黜卒年七十六李穆常使江南見鉉及其弟錯文歎曰二陸不能及也錯仕江南爲內史舍人而卒鉉好李斯小篆尤得其妙隸書亦工尺牘爲士大夫所得皆珍藏之有集三十卷又有質疑論稽神錄行於世李元清先濠州人徙金陵趨捷善走能及奔馬後主聰召與語奇之薦於文德後竟著忠節云

上元縣志

卷十七

宦籍

七

宋王安石字介甫其先臨川人父蓋通判江寧因家焉安石第進士累遷知制誥相神宗雖誤行新法而文章亦爲世所稱後以使相判江寧府夫人吳爲買一妾用錢九萬安石見之曰何物女子曰夫人令執事左右曰爾誰氏曰妾之夫爲軍大將部米運失身家貲盡沒猶不足又賣妾以償安石愀然還其夫盡以錢賜之居近謝公墩每日跨驢遊鍾山或不至而返自號半山居士時有楊德逢者隱居蔣山西麓與相往來有題湖陰先生壁詩作諡曰文子雱雱子棣字儀仲爲開德路經略安撫

使建炎三年金人攻澶淵死於城守詔贈資政殿
大學士王氏自蓋而下皆葬建康

王安禮安石之弟早登科以呂公弼薦得召對知潤
州判開封偕尹人奏對帝甚嘉納而安禮以兄秉
國慊慊自退元豐中王珪蔡確爲政安禮以中書
舍人知制誥應詔言事帝嘉嘆焉進知開封淹滯
立決未三月三獄院及十九邑囚皆空升一階臺
史欲遷民間塚墓以利皇子安禮極諫帝惻然罷
每勸帝勿用兵又數以新法諫安石而惡呂惠卿
曾布誤其兄惠卿深銜之以鄭俠獄奪官

上元縣志

卷十七

宦籍

八

阮思聰字仲謀其先固始縣人弱冠膂力絕人善騎
射喜讀左氏春秋及兵家書積戰功累官吉州團
練使知黃州事來居建康歷官所至有聲曾遣人
詣賈似道欲以重兵守鹿門山又言當由海道以
搗青齊則襄圍自解皆不見聽師潰聰歸建康權
司馬徐王榮都統翁福等舛制置司已下印鑰來
告曰大兵且至趙制置已去城中惟節使官高望
救一城之命聰曰我宋臣子也受宋恩厚不敢以
城獻王榮等知不可強乃止素有知人之鑒薦李
珣於朝牛臯其部將也張世傑之初歸久未知名

中太尉謚曰忠獻兄子顓齊前廢帝時爲吏部尚書出爲雍州刺史明帝定大事顓舉兵討之衆潰而死

文復之字廷實其先合州人第三名及第授閬州掌書記累官至湖北提刑以起居舍人召每切齒丁大全大全覺之止不得見乞祠祿授朝散大夫主管成都府王卮觀欲還蜀道經建康時邊事日亟馬光祖守郡留不聽行遂居郡之修文坊元廉希憲宣撫江東欽其名待如師友欲以故官薦之仕力辭不應以經史自娛終其身子揆嘗爲工部架

上元縣志

卷十七

宦籍

九

閣遵父志亦不仕元云

元梁棟字隆吉其先相州人弱冠領漕薦登第選寶應簿再調錢塘仁和尉辟入幕府一時聲名籍甚宋亡與弟柱入茅山後卜居建康時往來山中江東人士從學甚衆一日無疾坐逝金華胡迺哀其詩若干首刻之

論曰謝幼輿之一丘一壑蓋以通簡自命也袁陽源不登劬車被殺景倩不欲事二姓事雖未成而大義凜凜韓叔言制誥典雅有元和之風徐鼎臣與叔言齊名時稱韓徐李元清善走能及奔馬國

亡僞稱失明放歸王介甫號半山居士新法爲呂惠卿曾布所誤而不免有慙於弟安禮阮仲謀不敢以宋城獻文復之不欲以故官薦梁棟與弟柱入茅山節義之在人心未嘗一日亡如斯夫

明史謹字公謹本崑山人洪武中謫居雲南與王學士景善用景薦爲應天府推官未幾左遷湘陰縣丞尋罷僑居金陵性高潔多才耽吟咏工繪事構獨醉亭賣藥自給以詩畫終其身

張瑄字廷璽江浦人寓居金陵由正統壬戌進士授刑部主事歷陞右副都御史巡撫福建河南皆有善政後陞南京刑部尚書謝政天性儉約居官五十年自奉如寒士所著有香泉稿凝清集閩汴紀錄南征錄安拙類稿各若干卷

李應積名姓以字行其先吳人以醫士家南京少警朗力學好古尤尚氣節慕范文正公之爲人題其所居室曰范齋宣德癸酉中鄉試久之選授中書舍人屢有建白郊祀畢因宴有奏中書舍人坐科道官後非制時雖不從識者韙之荆襄流民相聚朝議惡爲亂欲逐散之乃上疏言民墾田築室爲定居逐之祇益亂耳不若因而撫之便後增置郡

縣如其言尋直文華殿有旨寫佛經上疏諫言甚
剴切人皆危之上不問累遷南太僕少卿乞休歸
吳中性素卞急少容其氣象嚴峻若不可親然喜
交遊尤好汲引後進朋友死經紀其喪恤其妻子
顧華玉稱其一介不取子文翰如鈇戟利劒掉以
淮陰之雄可謂介而文焉

陳壽遼東人十歲能屬文爲諸生屢不第乃遍遊塞
上欲持戈建功名久之無所遇仗劍歸故鄉習舊
業舉成化丙戌進士累官大理寺丞弘治中火篩
寇邊壽以薦巡撫延綏聞命馳至軍中首卹陣亡

上元縣志

卷十七

宦籍

十一

官兵更置諸路將領分布兵馬屯要害地令緩急
相應援時用間諜遠斥堠軍大振每戰躬擐甲胄
爲士卒先凡三十餘戰擒斬百計偶遇敵大舉先
以百騎嘗我諸將欲赴之壽不從自出帳前擁數
十騎坐胡床指麾飲食若無事然敵望見疑之引
去指授諸將所在有功上手勅勞之正德中爲南
刑部尚書尋致仕壽立朝四十年功伐較然而廉
名尤著解官不能歸旅寓留都環堵蕭然遂家焉
李維楨字本寧京山人生而夙慧年十八舉於鄉
十一上進士第選翰林院庶吉歷陞修選在史館

時與新安許文穆公齊名同館爲之語日記不得
問老許做不得問小李以內計出爲陝西叅議遷
提學副使浮湛外僚將三十年天啟初修神宗實
錄朝議思舊德乃起公南太常卿稍遷南京禮部
侍郎陞尚書名曰錄用實不令與史事公因移疾
乞致仕僑居白門公故有重名洪裁艷詞庇被海
內旣謝政謁文者趨走如市公次第應之一無倦
色年八十卒錢謙益志其墓比之金聲玉振大呂
黃鐘焉

張之象字同麓華亭人幼穎異博覽墳典以太學生

上元縣志

卷十七

宦籍

十一

游南都與何元朗黃淳甫諸人賦詩染翰才情蘊
藉深爲時賢所推久之入貲爲郎授浙江布政司
經歷性故倜儻不能爲小吏俯仰遂報劾而歸閉
門却掃橫經籍書紛披几案間客至不能布席貧
不能買山作賣書買山詩所著詩賦外有詩苑繁
英二百卷司馬書法一百卷

郭第字次甫長洲人隱於焦山有向平五岳之願自
號五游後嘉靖戊午寶應朱子价爲南主客建康
顧孝常在太常何元朗方去翰林姑蘇文德承黃
淳甫避寇客留都次甫至自太山與金子坤及孝

常諸弟爲文酒之會詩篇傳播海內以爲美談
黃姬水字淳父長洲人五岳山人省曾之子也生而
穎敏山人出入必攜之每有所占屬俱令同賦五
岳拙於書命淳父學書於祝京兆遂傳其筆法性
至孝哭父母成疾遂棄諸生以楚服見達官長者
意自如也嘉靖乙卯倭夷難作爲避地計將依聶
尚書豹於廬陵携妻子遡江而上何孔目良俊止
之曰子行是也然見膾而思炙吾笑子之太早計
也遂僑棲金陵踰六年而後歸盡斥其田產以供
婚嫁恒計衣食不能卒歲而所畜敦彝法帖名畫

上元縣志

卷十七

宦籍

十三

甚富一室之中集几瑩潔筆硯精良焚香晏坐忻
然忘老有白下高素二集託寓淒婉人以白下爲
最勝云

論曰史公謹高潔耽吟詠張廷璽尚書自奉如寒
士李應楨慕范文正公爲人題其居室曰范齋陳
壽進士巡撫延綏終南刑部尚書有廉操李本寧
在史館與許文穆公齊名黃姬水棄諸生晏坐一
室忻然忘老張同麓才情蘊藉深爲時流所推郭
次甫與金子坤顧孝常諸弟文酒高會蓋亦白下
諸賢美談也

蔣誼字宗誼太醫院籍世居金陵成化二年進士授
康州府推官以父喪歸服闋改紹興又改金華治
行皆卓異授南京河南道監察御史風紀肅清以
疾卒鄉里惜之

都勝字廷美其先河間寧津人父忠以廕改南京羽
林指揮勝年十五入武學讀書綴文與儒生等江
東名士樂與之遊繼父官懋著聲績累遷都指揮
僉事奉勅守備儀真軍務嚴飭盜賊平息而廉慎
詳密百廢俱舉民畏愛之壬辰奉勅備倭鹽徒金
藩等犯嘉定上海聞之散去已而復乘巨艦數百

上元縣志

卷十七

宦籍

十四

欲犯江陰勝率衆捕獲之俘獻於朝漕運總兵平
江伯薦勝充叅將協同漕運仍鎮守淮安地方乙
巳山陝饑奉勅運米百萬餘石往濟之是年平江
內擢勝代之三歲陞中府都督上疏乞休致卒於
家

莫是龍字雲卿以字行更字廷韓華亭人方伯子良
之子十歲善屬文以諸生六次貢入國學廷韓有
才情風姿玉立少謁王道思於閩道思贈詩有風
流絕世之目尤妙於書法嘗作送春賦手自繕寫
詞翰清麗皇甫子循王元美皆激賞之廷韓及張

仲立皆翩翩佳公子青溪社中之白眉也

金鑾字在衡隴西人隨父宦僑居建康遂家焉在秦時從天水胡世甫中丞學制科業及來建康年已長家中落乃棄去習歌詩詩不搯秦聲風流宛轉得江左清華之致性俊朗好游任俠結交四方豪傑往來淮揚兩淞所至輒倒屣迎之洞解音律酒酣據几高吟長咏中節可聽四座忘罷卒時年九十有徙倚軒集嘗與盛仲交期於城南高翁家天寒且雪久之方至主人問曰翁方有事娶婦胡能來此在衡大笑指杯酒曰事孰有大於此者乎談

上元縣志

卷十七

宦籍

十五

笑移日始去其風尚如此何元朗曰南都自徐髯仙後惟金在衡最爲知音善填詞嘲調小曲極妙每誦一篇令人絕倒嘗取古詞辨其字句清濁爲一書填詞者至今祖之

何良俊字元朗華亭人少而篤學二十年不下樓或挾筴行游忘墮坑岬與其弟良傳字叔皮同學叔皮舉進士官南祠部郎而元朗以歲貢入胄監時宰知其名授南京翰林院孔目元朗好談兵以經世自負浮湛冗長鬱鬱不得志三年遂移疾免歸留青溪元朗風神明徹所至賓客填門妙解音律

晚畜聲伎躬自度曲分刂合度秣陵都會佳麗文
酒過從絲竹競奮人謂江左風流復見集累萬言
皇甫子循爲序又有何氏語林四友齋叢記行世
張國臣字允忠號貞子遼衛官籍父承德厚施惠物
積行於鄉國臣甫生頰有白毫垂寸許人曰爲異
徵舉崇禎戊辰進士授長垣令垣俗故悍多椎埋
雄且私結黨與吏不敢問國臣恩威並濟撫馭有
方更素有膽畧能挽十石弩多命中選閭左壯有
力者編爲旅雜以吏胥伍伯之流得千人教以騎
射村鎮亦各籍爲兵幾數萬做古寓兵於農之意

上元縣志

卷十七

宦籍

十六

每單騎夜出巡行諸鎮隣盜相戒勿犯性惡役之
擾民者刻木爲隸一日錢可省一日刑可輕愬者
執置所愬者之門兩造輒如期至黃河水決國臣
寢處河干募漁艖及善泅者救一人子千錢活男
婦三千有奇壬申擢樞曹郎拜山東監軍使遼人
之在其地者賴全活焉未幾忤按臣意落職補浙
臬幕稍遷保定司李前後平反疑獄十餘案乙亥
晉南樞郎復中忌罷去僦居白下左圖右史陶然
以樂年六十五終子登明文華殿中書舍人言方
行矩廉介不苟事繼母楊至孝兩膺鄉飲大賔孫

四長汝元福州別駕次汝亨歲貢生次汝利襲指
揮僉事次汝吉上元歲貢生孝友能文督學渝東
簡公有威鳳祥麟之目

論曰蔣宗誼成化進士康州推官治行卓異都廷
美武學以功陞中府都督莫雲卿作送春賦詞翰
清麗何元朗妙解音律尤好談兵金在衡歌詩得
江左清華之致張允忠頰下有白毫垂寸許人目
爲異徵云

國朝黃國琦字石公新昌人少負奇才崇禎丁丑成進
士任至兵科給事奉母南歸家金陵子六鴻字子

上元縣志

卷十七

宦籍

十七

正號思湖年數歲奉祖母避亂有卓識明大司馬
鄒維璉見而奇之妻以女由順治辛卯孝廉筮仕
郟城知縣郟爲三輔盜藪有王玉海者潛居郟之
五丈溝建樓堡招集亡命甚衆上官莫敢問六鴻
下車日卽設奇計擊擒之以丁艱去任補東光令
兩舉卓異陞行人再擢禮垣旋掌登聞鼓稽察錢
局擢工部掌印遇事昌言不避權貴其請停湖口
關喝報等疏皆中時事得失直聲著于朝後請假
南歸杜門著書年八十八終有福惠全書行于世
何綸字蟠雪蜀郡梁山人崇禎丁丑進士官御史巡

按安徽等郡時馬阮擅權疏劾之不遺餘力會大清師至隱金陵卜宅邑之豐富巷遂著籍焉族弟縉自蜀來歸命偕其孫雲章讀書宅偏之白鶴樓雲章順治丁酉舉人縉戊戌進士累官禮部儀制司員外郎

何雲章字旦復父如蘭梁山博士弟子員時蜀遭寇燹蘭練集鄉兵捍城以完未幾勞瘁致疾卒旦復依祖蟠雪公膝下性寬厚仁恕祖母耄年泣子喪明躬奉湯藥日夜哭泣禱於天得愈人以爲孝感所致登順治丁酉賢書辛丑公車後例應授推官

上元縣志

卷十七

宦籍

十八

乃念祖蟠雪公年七十而父又早殞泯泯孤立不欲以祿易一日之鷄豚遂不赴已而先蟠雪公卒子永錫永孚

何永錫字類子御史綸之曾孫也少習制舉業補上元太學生屢踏省門不售生平博極羣書每與客談古今逸蹟事務詳其處時僑寓諸前輩如簡謙居上李子靖仙根鄧元昭旭咸以淵雅相推重晚嗜酒於詩律尤細有傳遠度艾子魏之風

八卒子夢篆雍正癸卯進士內府中書科中書舍人

楊所修字澹淵號愛竹先世麻城人明初遷內江祖
士通登洪武丙子鄉試後接武甲乙榜者十七世
公由前丁卯舉人副甲戌榜起家部曹歷官多異
政尤慎刑獄出守河南郡時兵燹未久城郭僅半
垣山賊何柴山猶擁衆剽掠公招輯流散繕城堡
練鄉勇擒渠魁而戮之一郡悉寧文廟傾圮捐俸
鼎新紳士勒石以紀其事孟津勢豪黃某因私隙
誣生員郭九鼎爲叛黨獄已成公廉知其冤白直
指立出之中州有包公復見之頌以卓異除鳳宿
兵巡道鳳邑孀婦某氏少而艷理刑蠹役某強逼

上元縣志

卷十七

宦籍

十九

爲妾自刎死有司置不問婦族訴於公蠹知公不
可干以千金壽公門下士楚進士劉某求解公曰
一下役耳揮千金其事可知吾不能爲若枉也劉
出誑其詞索倍值蠹竟如約薄暮以兩馬載金甫
入門劉僕忽啞火亦滅磨墨作書墨斷劉懼卻之
去僕旋蘇曰適有青衣婦與俱至滅火斷墨皆是
物也翌日聞於公公曰吾苟聽若鬼噪吾室矣竟
抵于法晉江蘇按察使念刑官不可居三閱月遂
謝政居金陵立新社延諸名士與子弟相切劘捷
鄉會試者甚衆年七十八而終子三長棫庚子辛

丑聯捷進士次桐庚子舉人次楠癸卯舉人孫化

貞化元壬午舉人化光戊子舉人餘五俱太學生

魏黨有同姓名者河南商丘人萬歷庚戌進士官都御史彼貴顯時公方諸生附辨

王弘祚字玉銘雲南人官至大司馬致仕歸道過金

陵慕棲霞天闕之勝遂家焉杜門著書不通賓客

惟與二三良友講朱程之學年八十壽終賜葬于

茅山之陽子瑜刑部郎中孫上遴邑庠生

能賜履字敬修湖廣孝感人由戊戌進士累官兵部

尚書文淵閣大學士公性通敏讀書目數十行下

久不復忘在翰林時博極羣書於天文地理旁及

上元縣志

卷十七

宦籍

二十

兵農禮樂河漕經籍諸務無不鉤元提要蔚爲有用之學著道統學統等集皆見原本可方邵康節云壯年卽大拜人稱黑頭相公顧負性剛直不肯苟同于時雖位極人臣而寒素之風與儒士等再躡再起因子告後卜居清涼山側有園數畝遂以詞嘯終其身卒諡文端近世稱廉相者惟公爲首黃文煥字坤五福清人由山陽令入翰林歸金陵經畧洪承疇欲薦之以老疾辭著作旣富有杜詩掣碧及史記莊子註行世後學多宗仰之子孫亦世其家云

王澤弘字涓來湖廣黃崗人父用子淮安府推官生
澤弘幼而穎異絕愛憐之登順治壬辰進士由翰
苑屢官至禮部侍郎調吏部時雜流競進正途淹
塞公特奏監司守令分別各途一疏科 正途爲
之稍振又力請移湖口關稅事雖未竟至今商賈
懷之踰年進禮部尚書

御書夙夜惟寅旌其績致仕時子材任方擢僉憲猶
諄諄以盡職竭忠爲訓僑居白下效香山洛社之
遺雨花木未間同遊者罔非耆舊卒年八十有三
諸子材任己未進士僉都御史材成材獻材振材

上元縣志

卷十七

宦籍

二十一

敏

周亮工字元亮先世自金陵徙居撫州之櫟下最後
其大父復自櫟下徙江寧又徙大梁考其世惟櫟
下居最久故自號櫟園志不忘也學者亦稱之曰
櫟園先生性巖岬居官不肯假借顧獨喜士自能
詩文騷賦以至詞曲印篆書畫通一藝以上者無
不折節下之由縣令敷歷鄉貳周旋方岳監司之
間所至有政聲在閩久檠戟八郡以文人建武功
見者驚未曾有以治閩功擢左副都御史晉戶部
右侍郎尋亦以閩故受羅織獄解出爲青州海防

僉事轉江南督糧叅議愛士益篤致政後遂家金陵所著書多尤以表揚人材爲第一義云

郭鳴鳳字翔伯前辛未武進士出倪公元璐門下授都司改江寧督鑄同知有惠政士民立祠於四相橋之側今遺像尚存累官至廣東布政使轉江南安徽布政使謝政居金陵壽九十有七長子文蔚以明經稱博雅云

蕭琯字五雲由雲南拔貢領丙子順天鄉薦授鄆陵教諭調江都未幾知縣事晉滁州守有惠政載州志內陞治中轉刑部郎出守揚州忤漕使者罷歸

上元縣志

卷十七

宦籍

二十一

卜居治城以詩酒自娛著有遯菴集行世子繼昌仁和丞繼芄康熙丙午舉人

鄧旭字元昭壽州人少讀書金陵碧峯寺暨奉其父汝謙爲避兵計因家焉中順治戊子舉人已丑進士官翰林院庶吉士授國史檢討辛卯典試江西一時知名士網羅幾盡丙申擢陝西臨洮兵備道以病乞歸公生平負俊才與人交尤重節義在一朝經紀溧陽相公喪里居視臬司姚公延著鳳守周公燦頷而致其喪於家學問原本六經晚抗懷五岳隨所到皆富題咏有林屋集六十卷卒年七

十五子焮煊自有傳煒烺燿皆以文學著名
岳貞字子介號石齋武穆王第四子緝忠侯震之裔
也祖之正爲南江令因家焉由甲午孝廉宰樂昌
以卓異除禮部丙午分校北闈旋以戶曹正郎典
己西北闈鄉試皆稱得人出守台州台濱海公陳
防海十策甚悉轉撫州守性剛直不協衆卽解組
卜築金陵壽八十一終子七度甲戌進士授檢討
壬午典山西試維丙戌進士荔波令卒於官康丙
子舉人綸庚午舉人俱任部曹餘太學生依父墓
居石城

上元縣志

卷十七

宦籍

二十二

鄭僑柱字古遺號芝菴世爲陝西甘州人年十三補
博士員卽以博雅見稱稍長益肆力于學受知代
巡李公三藩之叛秦隴震驚 朝議需邊才靖逆
侯張公勇廉知公名命其子大理少卿書召公叅
預戎幕踰年授本標遊擊出師河東洛門力戰先
登復臨洮鞏昌軍功第一庚申川陝制府哈公占
復調赴軍前征川北川東所向克捷遂以先鋒統
八營官兵進征雲南至於曲靖大小數十戰賊望
風降滇地悉平最上授四川遵義副將守播州播
故猥國又數遭吳之茂所蟠居萑苻之間稱賊藪

焉公在播五年綏靖有方兵民乃輯在任十五載
乞歸卜居金陵子煥府同知昂戊子舉人昉昉訓
導俱以文學聞

劉含高字子玉號燕山先世金陵人後移山海父從
勛官連江遊擊從征海賊歿于軍時含高方弱冠
卽以材武見稱閩帥錄死事後授千總逆藩之叛
以遊擊充前鋒官攻大溪灘復江山縣取仙霞關
復建陽福州敗賊于烏龍江復以前鋒進勦所至
克捷論功陞左都督子世職陞直隸保定叅將旋
推兩江督標副將築城修路人尤便之轉狼山總

上元縣志

卷十七

宦籍

一二十四

兵

賜御書折衝千里四大字年七十終

王萬祥秦之會寧人幼有奇氣從奮威王將軍討吳
逆於八盤山以九百衆破賊數萬復臨洮鞏昌安
定諸郡授中營守戎繼復蘭秦靜寧等州進取漢
中奉令砍開武關皆奏捷加中軍副將擢興化總
兵移鎮臺灣數月有堤督全閩之

命恩威並著旋卒諸子奉柩卜塋于金陵從公志也
金抱一原名海堦夢神授以今名中順天武解元己
丑殿試復第一順治初授山東叅將時白蓮餘黨

未滅又賊首焦大青二青蹂躪鄒費間抱一領兵
至破口大破之守顏神鎮獲其渠嚴自勤于七賊
黨始平調守江西陞潛山營副將戰功稱最康熙
十年陞兩江督標中軍耿逆倡亂隨巴額二將軍
恢復徽州以積勞成病乞致仕遂家金陵長于漢
元由蔭生官至武定太守孫球康熙己丑進士
薛良朋字德林明永城公裔貢生起家富平縣累官
川北道兼提督學政閱李仙根探花文曰此鼎甲
才也江南提學簡謙居亦其門下士居官清正陞
金衢道過金陵疾卒窆甚同官崔叅議助墓地以
葬因家焉孫璉邑庠生

上元縣志

卷十七

宦籍

一二十五

陶窳字甄夫巴陵人父泓没于滇窳攜幼弟徒步六
千里歸楚經營瑩兆復隻身奉母扶父柩歸工詩
文又精書畫能篆刻晚居金陵

車萬育字與三號敏州楚南郡邵陽人康熙癸卯進
士由庶常擢掌兵科給事指陳時政甚見施行每
入奏荷

上嘉納舉朝皆屬目然獨立無倚旋以疾退休

先帝南巡駐蹕召其子鼎晉問病革狀深加惻憫諭葬
江寧子孫由是家焉邑中稱家法整肅首推車氏

不僅立朝風概也熊文端公爲志其墓曰古之遺直

車鼎晉字麗上號平嶽敏州公仲子康熙丁丑進士入詞垣主試廣西順天皆有聲督學間中立條教拔眞才閩人感之每致餽贖讓不受去閩後晉有急閩人爭相赴謀爲伙助事聞于朝 詔晉受之居鄉謙謹治家有法度孝友萃于一門子敏來車敏來字翼功號望亭康熙癸巳進士起家廣東新會令以辦銅事竣陞保德州牧愛養邊民不異中土民懷之立祠肖像祀之再歷隰州知州轄二縣

上元縣志

卷十七

宦籍

二十六

廉惠著聲解組歸訓子研碩爲學有文名研廩貢生訓導碩甲子科舉人潞安縣令

張效齡字子長先世句容人順治初以選貢補同安令同安濱海寇盜出沒無常時鄭成功犯境效齡團練鄉兵禦之保無患以戇直不容于俗遂辭歸金陵工詩賦有雁字每花近月吟諸集卒年八十有一孫道正字孟表邑廩生以文字名

何采字第五桐城相國文端公之孫官翰林春坊僑居金陵工書法詩詞著南澗集性滑稽多諷刺法方伯典武間適奉家諱倉卒從事采有詩云門人

祗讀孫吳傳何必教渠廢蓼莪巨商某以母壽請
故相至金陵賓客群集采以詩嘲之曰朝販網鹽
暮沸笙滿堂賓客盡鷄鳴可憐丞相張蒼老也拜
高堂寡婦清大率類此

高人龍字霖公蜀梁山人父射斗前丁丑進士任江
安督糧道通漕惠民至今頌之沒後寄家金陵人
龍由康熙戊辰進士授翰林院庶吉士除檢討歷
官吏部郎選銓叙澄清剔弊務盡生平博雅于關
閩濂洛之學無不窺其閫奧尤以廉自守官比部
時廠有廢銅例八督鑄者之橐公悉給工匠不以

上元縣志

卷十七

宦籍

二十七

自私子三辰元亨丁卯舉人元吉庚辰進士

聶琰字子美四川富順人由順治甲午副榜授祥符
縣令縣故煩劇當南北之衝琰至安戢有法汴梁
城圯捐俸督修增築學宮興起文教邑人德之立
去思碑至今祠祀不絕寄居金陵

張自烈字爾公袁州人僑居白門著書論文自樹壇
坵不隨人步趨著有四書五經辨及古今文辨行
世

張謙字受益號牧堂先世漢中府人曾王父襄壯公
節鉞河西討逆藩有功封靖逆侯提督祖恪定諸

生賚奏陳勦禦機宜受大理寺少卿提督閩汪父
靜齋攻舉子業登己卯賢書以體弱未仕謙甫六
齡失怙祖母周太夫人晝荻以訓受業杜紫綸究
心經史之學著有友三草堂集雍正癸卯遵例引
見稱旨隨侍

今上皇帝讀書學習騎射賜孔雀花翎授吏部額外主
事乾隆庚申署理鑾儀衛鑾儀使兼散秩大臣自
是

聖眷愈隆賞賜各直省督撫進貢方物皆係儒臣所未
有者乾隆十二年冬感冒寒疾醫藥轉劇十三年

上元縣志

卷十七

宦籍

二十八

九月卒

欽賜祭奠銀六百兩遣官讀文致祭長子承勲襲爵
孟瑄字玉尺號東圃山東濟寧州人癸酉中試授江
南宿松縣令先是松爲賊據瑄請於兵備道且勦
且撫境內悉平丙戌分校南闈得士九人皆成進
士以勦撫功加右副都御史銜從征嶺南凱旋入
京補職尋以疾辭僑居上元之白塔有易經會解
四書會解雲隨堂文集一中圖說行世子錄九字
百聚高楊相國李文襄公以字學弘博薦授藍旗
教習有歷朝書法源辨菊村詩集

程仲璉字伯獻原籍新安人弱冠來遊金陵捐金修學遂補邑庠嘗買妾知其爲名家女因立遣之弗追所與冬湯夏茶施藥助棺親族賴生活者甚衆程九萬字周籍仲璉次子康熙癸未進士性至孝親老不仕居鄉里仁恕端明雀角者賴以解紛所著有儉可堂文集及永江自刪詩稿晚年人號永江先生子兆僕字邁阡由選拔貢成均名噪遠邇孫炳勳襄勳名勳有勳俱蜚聲巒序

吳元安字靜山號芝江世爲桐城人其先尚書僑寓上元遂占籍爲博士弟子雍正丙午舉京兆選居

上元縣志

卷十七

宦籍

二十九

中秘侍讀 內廷旋擢御史直指畿輔豪強屏息掌兵刑兩垣凡所封駁皆關密要後晉秩京尹乃以勤民不祿朝野惜之

論曰功名之士以官爲家而子孫遂輕去其鄉晉之王謝已然而况後世乎予觀僑籍諸公其顯者朴園相國玉銘涓來尚書占籍而科名蟬奕者何蟠雪楊澹淵車敏州程伯獻也武功著績依秣陵爲安土者鄭古遺劉子玉王秦之金抱一張受益也功在民社而因以不去者黃石公黃坤五郭翔伯蕭五雲周元亮鄧元昭孟玉尺薛德林張子長

也流連名勝詩酒自娛者何第五陶甄夫張爾公
也蜀人有治行而著名于邑者高霖公聶子美是
也前猷烈烈不墜家聲岳石齋吳靜山也不且與
邑之賢炳烺並耀哉